

**BOSNA I HERCEGOVINA
MINISTARSTVO CIVILNIH POSLOVA
KOMISIJA ZA DEMINIRANJE U BiH
CENTAR ZA UKLANJANJE MINA U BiH**



**БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
КОМИСИЈА ЗА ДЕМИНИРАЊЕ У БиХ
ЦЕНТАР ЗА УКЛАЊАЊЕ МИНА У БиХ**

SREDNJOROČNI PLAN RADA

**CENTRA ZA UKLANJANJE MINA U BOSNI I HERCEGOVINI
ZA PERIOD 2026.-2028. GODINE**

Sarajevo, mart 2026.

SADRŽAJ

1) Strateški okvir	3
2) Mandat, misija i vizija	4
3) Učesnici i partneri	5
4) Osnovna programska opredjeljenja	6
5) Resursi i kapaciteti potrebni za postizanje ciljeva	8
5.1. Izvori finansiranja	8
5.2. Kapaciteti potrebni za izvršenje plana	9
6) Okvir za praćenje provođenja plana	10
6.1. Definisanje ključnih pokazatelja.....	10
6.2. Metode za prikupljanje informacija o pokazateljima.....	11
6.3. Osnovni zaključci iz predhodnog izvještaja o provođenju plana rada	11
7) Prilozi	11

Srednjoročni plan rada Centra za uklanjanje mina u BiH za period 2026-2028 godina

1) Strateški okvir institucije

Centar za uklanjanje mina u BiH doprinosi ostvarenju strateškog cilja i prioriteta iz Strateškog okvira institucija BiH do 2030. godine: Transparentan, efikasan i odgovoran javni sektor kroz unapređenje politika za slučaj prirodnih i drugih nesreća.

Osim navedenog, strateški okvir Centra za uklanjanje mina u BiH su strateški dokumenti usvojeni od strane Savjeta ministara:

- Strategija protivminskog djelovanja Bosne i Hercegovine, revidirani dokument za period 2025-2027. godina usvojena je od strane Vijeća ministara Bosne i Hercegovine na 76. sjednici održanoj dana 15.04.2025. godine ("Službeni Glasnik BiH" broj: 32/2025).

Strategija protivminskog djelovanja za period 2018-2025.godine usvojena je od strane Vijeće ministara BiH na 176. sjednici održanoj 05.08.2019.godine, ("Službeni Glasnik BiH" broj: 70/19). Prema navedenom strateškom dokumentu, jedno od ciljanih stanja u odnosu na postavljene operativne ciljeve jeste izjava Bosne i Hercegovine u 2025. godini da je ispunila obaveze iz člana 5. Konvencije o zabrani proizvodnje, upotrebe, skladištenja i transfera PP mina.

S obzirom na nemogućnost izvršenja obaveza u zadatkom roku, Bosni i Hercegovini odobren je Zahtjev za produženje roka za implementaciju obaveza po Konvenciji o zabrani proizvodnje, upotrebe, skladištenja i transfera PP mina. Novi rok za ispunjenje obaveza je mart 2027. godine. S obzirom na novi rok za izvršenje obaveza pokrenuta je procedura za reviziju postojeće Strategije sa ciljem da se na najefikasniji i najdjelotvorniji način sačini plan aktivnosti i definišu koraci koji će se preduzeti u okviru odobrenog roka za izvršenje obaveza, kako bi se Bosna i Hercegovina približila cilju izvršenja obaveza u pogledu izviđanja i čišćenja prema Konvenciji o zabrani upotrebe, stvaranja zaliha, proizvodnje i transporta protivpješadijskih mina i o njihovom uništenju.

Pored osoblja Centra za uklanjanje mina u BiH, u skladu sa međunarodnom dobrom praksom, revizija Strategije je urađena kroz participatoran proces koji je obuhvatio cijeli niz domaćih i međunarodnih aktera i to: Oružane snage BiH, Federalna uprava civilne zaštite, Republička uprava civilne zaštite, MAG, NPA, EUFOR, Posavina bez mina, Društvo crvenog krta BiH, Crveni krst RS, Crveni križ Federacije BiH, UDAS.

Nakon provedene procedure konsultacija i pribavljanja mišljenja od strane nadležnih institucija Strategija protivminskog djelovanja Bosne i Hercegovine, revidirani dokument za period 2025-2027. godina je usvojena od strane Vijeća ministara Bosne i Hercegovine na 76. sjednici održanoj dana 15.04.2025. godine.

Važno je napomenuti da je evidentno da Bosna i Hercegovina nije u mogućnosti ispuniti obaveze do marta 2027. godine zbog čega će se u 2026. godini Komitetu za implementaciju obaveza podnijeti novi zahtjev za produženje roka prema članu 5. Konvencije.

Strategija protivminskog djelovanja Bosne i Hercegovine, revidirani dokument za period 2025-2027. godina (u daljem tekstu: Strategija) predstavlja stratešku orijentaciju Bosne i Hercegovine u pogledu izvršenja obaveza iz Konvencije o zabrani upotrebe, stvaranja zaliha, proizvodnje i prijenosa protivpješadijskih mina i o njihovom uništenju.

Strategija predstavlja viziju, misiju, strateške i operativne ciljeve programa protivminskog djelovanja BiH za period 2025-2027. godine. Strategijom je utvrđeno pet strateških ciljeva navedenih u nastavku.

1. Procedure kvalitetnog upravljanja informacijama koje osiguravaju prikupljanje, pohranjivanje, analizu, razmjenu relevantnih informacija i njihovo korištenje za efikasno i djelotvorno planiranje, postavljanje prioriteta, izdavanje zadataka i provođenje protivminskih akcija.
2. Program protivminskog djelovanja Bosni i Hercegovini promovisan u zemlji i na međunarodnom nivou da bi se povećala njegova vidljivost i da bi se unaprijedili odgovornost, predanost i podrška države.
3. Veličina i uticaj problema kontaminiranosti minama/ESZR su precizirani i potvrđeni; problem se rješava u skladu sa standardima za protivminske akcije BiH, osiguravajući da su sigurne površine vraćene ugroženim zajednicama na korištenje.
4. Sigurno postupanje se promoviše kroz mjere upozoravanja na mine koje su rodno osjetljive i uvažavaju različitosti da bi se smanjio broj nesreća izazvanih minama/ESZR i podržale sigurne i održive aktivnosti neophodne za život.
5. Sve žrtve mina/ ESZR sudjeluju u društvu na jednakim osnovama sa drugima dok su njihove potrebe identifikovane i zadovoljene, a njihove egzistencijalne prilike unaprijeđene kroz pomoć utemeljenu na pravima i koja uvažava različitosti.

2) Mandat, misija i vizija

Mandat

Nadležnosti Centra za uklanjanje mina BiH propisane su članom 9. Zakona o deminiranju u Bosni i Hercegovini (“Službeni glasnik BiH” broj: 5/02), na način da će Centar za uklanjanje mina u BiH u ime Komisije za deminiranje u Bosni i Hercegovini obavljati sljedeće zadatke:

- a) održavati i voditi centralnu bazu podataka o minskim poljima i kapacitete za mape;
- b) predlagati tehničke i sigurnosne standarde kao i standarde kvaliteta obavljenog posla za operacije deminiranja i predlagati certifikate na odobrenje Komisiji;

- c) pregledati dokaze o kvalifikovanosti međunarodnih i domaćih firmi za deminiranje za njihovu akreditaciju, koju će odobriti Komisija;
- d) predlagati standarde za obuku koju će odobriti Komisija, te pratiti i izvještavati o njihovom provođenju;
- e) pripremati prijedloge za rad na deminiranju područja koja su na međuentitetskoj liniji razgraničenja, koje će odobriti Komisija;
- f) pripremati planove rada i budžete za svoje aktivnosti, kao i izvještaje i obračune, koje će odobriti Komisija i nakon toga dostaviti Odboru donatora;
- g) obavljati i druge poslove u skladu s aktom o osnivanju.

Misija

Razviti efikasan i djelotvoran državni program protivminskog djelovanja koji će omogućiti sigurno i produktivno korištenje zemljišta i zadovoljiti potrebe ugroženih zajednica putem dobro koordiniranih i djelotvornih zadataka izviđanja, čišćenja, upozoravanja na mine i pružanja pomoći žrtvama mina.

Vizija

Bosna i Hercegovina bez mina i eksplozivnih sredstava zaostalih iz rata, u kojoj će cjelokupno stanovništvo, maloljetne i punoljetne ženske i muške osobe obavljati aktivnosti neophodne za život bez opasnosti po vlastitu sigurnost i u kojoj će žrtve mina i eksplozivnih sredstava zaostalih iz rata biti integrisane u društvo i u potpunosti uživati svoja prava.

3) Učesnici i partneri

U skladu sa Zakonom o deminiranju u BiH, organizacijska struktura deminiranja u Bosni i Hercegovini sastoji se od tijela na nivou Bosne i Hercegovine, tjela na nivou entiteta i tijela na međunarodnom nivou.

-Na nivou Bosne i Hercegovine, u svrhu izvršenja dugoročne zadaće deminiranja osnovana je Komisija za deminiranje kao centralno tijelo za poslove deminiranja. Komisija je u sastavu Ministarstva civilnih poslova čije su nadležnosti iz oblasti deminiranja propisane Zakonom o ministarstvima Bosne i Hercegovine.

-Kao stručna služba Komisije formiran je Centar za uklanjanje mina u Bosni i Hercegovini.

-Oružane snage Bosne i Hercegovine učestvuju u poslovima deminiranja u skladu s planom deminiranja i sredstvima osiguranim za deminiranje.

-Entitetske vlade su u skladu sa zakonom i drugim propisima osigurale nadležnosti i odgovornosti civilnih zaštita u poslovima deminiranja u okviru Federalne uprave civilne zaštite i Republičke uprave civilne zaštite.

-Na međunarodnom novou propisana je nadležnost Odbora donatora kao tijela koje podržava rad Komisije i BHMAC-a, a sastoji se od predstavnika UNDP-a, OHR-a i drugih donatora.

-Drugi ključni partneri u oblasti deminiranja/protivminskog djelovanja su:

-Predstavnici međunarodnih organizacija i vlada koje podržavaju aktivnosti protivminskog djelovanja u BiH.

- ITF Enhancing Human Security,

-Domaće i međunarodne organizacije koje su od strane Centra za uklanjanje mina akreditovane za provođenje protivminskih akcija.

4) Osnovna programska opredjeljenja

Programi Centra za uklanjanje mina BiH su: 1. Planiranje i projektovanje protivminskog djelovanja i 2. Osiguranje kvaliteta protivminskog djelovanja. Prvi program obuhvata aktivnosti: Vraćanje površine, Netehničko izviđanje, Upozoravanje na mine i Obilježavanje. Drugi program obuhvata: Inspeksijski i stručni nadzor i Akreditacija organizacija.

-Planiranje i projektovanje protivminskog djelovanja

Centar za uklanjanje mina u BiH uz podršku ovlaštenih predstavnika opština (lokalnih zajednica) izvršava grupisanje sumnjivih površina na teritoriji predmetne opštine u logične cjeline pojedinačnih minski sumnjivih područja (MSP) i definiše prioritete, odnosno redoslijed izvođenja i oslobađanja minski sumnjivih površina. U slučaju iskazanih potreba za hitnim rješavanjem manjih površina, te površine mogu biti izuzete iz već definisanih minski sumnjivih područja (MSP) i tretirane kroz pojedinačne projekte tehničkog izviđanja i čišćenja.

Netehničko izviđanje sumnjive površine je redovna aktivnost Centra za uklanjanje mina u BiH u okviru koje se vrši stalna procjena minske situacije. Ova procjena minske situacije se vrši obilaskom sumnjivih površina i preciznijom identifikacijom nivoa rizika, što podrazumijeva detaljnu procjenu rizičnosti, analizu raspoloživih podataka, prikupljanje i obradu podataka sa terena, vršenje potrebnih mjerenja i definisanje granica rizičnih površina, redukciju sumnjivih površina, procjenu društveno-ekonomskog uticaja mina i potencijalnih koristi od operacija humanitarnog deminiranja. Terenske aktivnosti netehničkog izviđanja su koordinirane sa prikupljanjem i obradom podataka na terenu, koje se vrši kao dio netehničkog izviđanja u cilju kontrole prije sprovođenja javnih tendera za davanje poslova deminiranja, odnosno za otvaranje zadataka za operacije humanitarnog deminiranja.

Na temelju rezultata netehničkog izviđanja, izviđanja i reizviđanja sačinjava se projektna dokumentacija za provođenje aktivnosti protivminskog djelovanja (projekt za provođenje protivminskih aktivnosti na minski sumnjivom području-MSP, projekt za tehničko izviđanje, projekt za čišćenje mina, i projekt trajnog obilježavanja). Krajnji rezultat svih navedenih aktivnosti je vraćanje površine kroz primjenu svih razumnih napora kako bi se identifikovala i uklonila svaka prisutnost i sumnja na mine kroz NTI, TI i/ili čišćenje.

Takođe, u okviru ovog programa vrši se i obilježavanje sumnjive opasne površine, trajno i hitno obilježavanje kao mjere smanjenja rizika i podizanja svijesti o minskoj opasnosti. Obilježavanje sumnjive opasne površine provodi nadležno osoblje Centra za uklanjanje mina u BiH kao i osoblje organizacija koje se bave protivminskim djelovanjem u skladu sa Standardnim operativnim procedurama Centra za uklanjanje mina. Pored ovog načina upozoravanja na minsku opasnost, upozoravanje na mine se realizuje i kroz aktivnosti javnog informisanja, edukacije ugroženih grupa stanovništva, kao i aktivnosti povezivanja protivminskih akcija sa ugroženim zajednicama. U okviru propisanih nadležnosti i ovlaštenja Centar za uklanjanje mina u BiH vodi bazu podataka o žrtvama mina u Bosni i Hercegovini i pruža adekvatnu pomoć programima osiguranja uslova za potpuno uključivanje žrtava mina u društvenu zajednicu.

-Osiguranje kvaliteta protivminskog djelovanja

Operacije tehničkog izviđanja i čišćenja provode akreditovane deminerske organizacije na osnovu Plana deminiranja u Bosni i Hercegovini. Raspored površina za provođenje operacija humanitarnog deminiranja se vrši prema administrativnim regionima u Bosni i Hercegovini i usklađen je sa veličinom njihove sumnjive površine i planiranim nivoima operacija humanitarnog deminiranja po ugroženim zajednicama. Tehničko izviđanje i čišćenje mina se provodi na dva načina, putem ciljanih i sistematskih istraga u sklopu koncepta vraćanja površine te kroz realizaciju pojedinačnih projekata ili grupe projekata kojima se eliminišu određene visokorizične lokacije ili omogućava korištenje određenih prirodnih i ekonomskih resursa. Sve lokacije predviđene za operacije humanitarnog deminiranja obrađene su kroz projekte netehničkog izviđanja sa detaljnim informacijama o lokaciji, predloženim metodama humanitarnog deminiranja, kao i rokovima koji su određeni dinamičkim planom. Nadzor nad provođenjem operacija tehničkog izviđanja i čišćenja mina, uključujući i obilježavanje sumnjivih opasnih površina od strane organizacija, vrši osoblje Centra za uklanjanje mina ovlašteno za vršenje stručnog i inspekcijuskog nadzora. Dakle, stručnim i inspekcijuskim nadzorom inspekcijuskih organa BHMAC-a moraju biti obuhvaćene sve deminerske operacije u Bosni i Hercegovini, kao vanjska kontrola kvaliteta u ime države Bosne i Hercegovine. Stručni nadzor nad obavljanjem poslova deminiranja ima za cilj osiguranje Standardom BiH zahtijevanog kvaliteta deminirane površine, sigurnost osoblja uključenog u operacije deminiranja i korisnika deminiranih površina, te sticanje povjerenja u cjelokupan proces humanitarnog deminiranja. Nad svim navedenim aktivnostima se provodi unutrašnja kontrola kao i kontrola u pogledu osiguranja kvaliteta. Dodatno, stručni nadzor nad obavljanjem poslova upozoravanja na mine ima za cilj osiguranje Standardom BiH zahtijevanog kvaliteta provođenja aktivnosti upozoravanja na mine, shodno projektu i izvedbenom planu, radi podizanja svijesti i promjene ponašanja ugroženog stanovništva dok se deminerskim metodama ne ukloni u potpunosti minska opasnost, odnosno trajnim obilježavanjem označi i spriječi ulazak u minski opasna područja. Takođe, Centar za uklanjanje mina u BiH provodi prvostepeni upravni postupak po zahtjevima za izdavanje, odnosno produženje i dopunu akreditacija za obavljanje poslova protivminskih aktivnosti koje vrše deminerske organizacije te na osnovu provedenog posebnog ispitnog postupka priprema prijedlog rješenja i akreditacija koje odobrava Komisija za deminiranje u Bosni i Hercegovini. Istovremeno, Centar za uklanjanje

mina vrši izdavanje ovlaštenja za rad i akreditacije operativnom osoblju deminerskih organizacija za obavljanje protivminskih aktivnosti kao i izdavanje rješenja o odobrenju za rad materijalnih resursa koji se koriste u deminiranju, (mašine, metaldetektori, zaštitna oprema, psi za otkrivanje eksploziva). U sklopu osiguranja kvaliteta, Centar za uklanjanje mina u BiH provodi obuku inspeksijskih organa za poboljšanje stručnog nadzora, te vrši nadzor nad obukom osoblja koje je u sastavu deminerske, monitoring organizacije i organizacija za upozoravanje na mine.

5) Resursi i kapaciteti potrebni za postizanje ciljeva

5.1. Izvori finansiranja

Članom 18. Zakona o deminiranju u BiH propisano je: „Sredstva za provođenje Plana deminiranja osiguravaju se iz donatorskih sredstava, budžeta institucija BiH i budžeta entiteta, kao i iz drugih izvora“. Centra za uklanjanje mina u BiH i poslovi koji su u nadležnosti Centra za uklanjanje mina u BiH finansiraju se iz Budžeta BiH. U postupku revizije Strategije protivminskog djelovanja za period 2018-2025.godine, izvršena je procjena finansijskih sredstva za 2025 i 2026. godinu koja bi bila potrebna za izvršenje planiranih aktivnosti vraćanja površine, navedena u tabeli u nastavku.

Godina	Vraćena površina godišnje u km ² /plan	Primjena tehničkih metoda km ²	Finansijska sredstva potrebna BHMACH mil/KM	Ostala finansijska sredstva potrebna za izvršenja plana mil/KM	Ukupna finansijska sredstva potrebna za izvršenja plana, mil/KM
2025	75	15,00	9	52,35	61,35
2026	75	15,00	9	52,35	61,35

Domaća sredstva	Donatorska sredstva
Vijeće ministara BiH-Ministarstvo civilnih poslova BiH-Sufinansiranje troškova deminiranja u Bosni i Hercegovini i za period 2025.-2027. godina	EU posredstvom Svjetske banke/Grant No. TF0C4642
Vijeće ministara BiH (BHMACH)	IPA 2021-Instrument for Pre-Accession Assistance EU/IPA III
Vijeće ministara BiH (OSBiH)	Sjedinjene Američke Države/USA
Vlada Republike Srpske (RUCZ RS)	
Vlada Federacije BiH (FUCZ)	
Ostali mogući izvori (kantoni, gradovi, opštine, pravna lica, udruženja iz BiH)	

5.2. Kapaciteti potrebni za izvršenje plana/Jaćanje organizacionih kapaciteta

Sa pregledom stanja u decembru 2024. godine u Centru za uklanjanje mina u BiH zaposleno je 148 lica. Sa pregledom stanja u januaru 2025. godine Bosna i Hercegovina ima 22 akreditovane organizacije za protivminsko djelovanje, od toga 10 komercijalnih kompanija, 7 nevladinih i 5 vladinih organizacija (Oružane snage BiH, Federalna uprava civilne zaštite, Republička uprava civilne zaštite RS, Civilna zaštita Brčko distrikta i Društvo crvenog krsta/križa BiH). U strukturi akreditovanih organizacija prijavljeno je 1009 osoba koje posjeduju akreditacije za deminerska zanimanja i ovlaštenja za rad. Ovaj broj uključuje 584 obučeni deminera i 328 osobe koje su ovlaštene za obavljanje rukovodnih i nadzornih zadataka (vođe timova, vođe radilišta, operativni oficiri, oficiri za osiguranje kvaliteta, treneri prega, kerovođe, operateri itd.) te 97 medicinara.

Ljudski resursi predstavljaju nezaobilazan segment protivminskog djelovanja kojem se ne pridaje značaj i pažnja koji zaslužuju. Iako u poslovima deminiranja ne postoji druga šansa, a prva je greška često i posljednja ovi poslovi su u nevladinom/komercijalnom sektoru izjednačeni sa poslovima uklanjanja otpada. Istovremeno, nedostatak posla u kontinuitetu dovodi do nesigurnosti u pogledu radno pravnog statusa te samim tim i egzistencije. Ovako nepovoljan status i položaj u odnosu na opasnost i složenost posla dovodi do deficita kadrova/deminerskog osoblja. Sa deficitom stručnog i kvalitetnog kadra se suočava i Centar za uklanjanje mina u BiH dijelom i zbog uslova rada i statusa zaposlenih. Osoblje Centra za uklanjanje mina nema beneficirani radni staž iako su poslovi koje obavljaju iste prirode i težine kao poslovi deminera. Novim konceptom rješavanja problema mina u BiH vraćanja površine (Land Release) došlo do značajne izmjene u obimu i složenosti poslova u odnosu na raniji tradicionalni pristup. Ove promjene nisu

istovremeno pratile izmjene u pogledu uslova rada i naknada za rad u smislu obima i složenosti. Ovakvi uslovi nisu primamljivi za stručne i kvalitetne kadrove koji su potrebni Centru za uklanjanje mina u BiH, odnosno Bosni i Hercegovini. Istovremeno, pored potrebe za većim brojem radnih mjesta, za postojeća upražnjena radna mjesta se ne vrši se blagovremeno popunjavanje. Potrebno vršiti blagovremeno popunjavanje upražnjenih radnih mjesta a nakon popunjavanja radnih mjesta potrebno je izvršiti obuku u oblasti protivminskog djelovanja. Radi se o specijalističkim edukacijama koje predstavljaju prioritet u postizanju visokog stepena stručne osposobljenosti za poslove protivminskog djelovanja i provodi se kroz teorijski i praktični dio a iskustvo, radne i organizacione sposobnosti se stiču praktičnim vježbama i radom na deminerskim zadacima. Zbog visine budžetskih sredstava koja se odobravaju, Centar za uklanjanje mina nema mogućnosti za realizaciju ovakvih edukacija u mjeri i na nivou koji bi bili nužno neophodni.

S druge strane, kada se govori o ljudskim resursima, primjećena je nedovoljna angažovanost raspoloživih deminerskih kapaciteta koje je zaposleno na državnom, odnosno entitetskom nivou. Takođe, evidentna je neuporedivo veća produktivnost organizacija iz nevladinog sektora u odnosu na produktivnost kapaciteta koje je zaposleno na državnom, odnosno entitetskom nivou. S tim u vezi, Centar za uklanjanje mina nema mehanizme ni institute kojima može uticati na stepen angažovanosti kapaciteta deminerskih organizacija kao ni dinamiku izvođenja operacija.

6) Okvir za praćenje provođenja plana

6.1. Definisanje ključnih pokazatelja

Ključni pokazatelji utemeljeni su na rezultatima protivminskog djelovanja.

-U pogledu vraćanja-redukcije sumnjive površine uzima se površina u metrima ili kilometrima kvadratnim na kojima se identifikovala i uklonila svaka prisutnost i sumnja na mine kroz upotrebu tehničkih metoda TI i/ili čišćenje. Ova površina je površina koja je vraćena stanovništvu na sigurno korištenje iskazana kroz broj MSP sa pokazateljom smanjenja minski sumnjivog područja.

-U pogledu netehničkog izviđanja/izrada projekata i projektne dokumentacije kao ključni pokazatelj stepena realizacije uzima se veličina obrađene površine u metrima ili kilometrima kvadratnim i broj novih projekata obrađenih minski sumnjivih područja.

-Realizacija hitnog i trajnog obilježavanja se mjeri po broju postavljenih minskih znakova koji upozoravaju na minsku opasnost. Dodatno, upozoravanje na opasnost na mine se mjeri po broju ugroženog stanovništva koje je upozoreno na mine.

-Aktivnost na osiguranju kvaliteta protivminskog djelovanja se prezentuju kroz broj inspeksijskih i stručnih nadzora nad obavljanjem poslova deminiranja, broj nadzora nad zadacima upozoravanja na mine, broj izvršenih obuka i nadzora nad izvršenim obukama, broj izvršenih kontrola kojima se utvrđuje ispunjenost uslova međunarodnih i domaćih organizacija za provođenje protivminskih aktivnosti-priprema prijedloga rješenja i akreditacija, provjera ispunjenosti uslova za akreditacije i testiranje materijalnih resursa (zaštitna oprema, metal detektori, prege, mašine), provjera ispunjenosti uslova za akreditacije i priprema ovlaštenja i prijedloga rješenja o odobrenju za rad operativnom osoblju deminerskih organizacija.

6.2. Metode za prikupljanje informacija o pokazateljima

U skladu sa Zakonom o deminiranju u Bosni i Hercegovini, osnovne organizacione jedinice Centru za uklanjanje mina u BiH dostavljaju, između ostalog, izvještaje o radu. Podaci o pokazateljima prikupljaju se na osnovu ovih izvještaja i drugih informacija koje dostavljaju organizacione jedinice koje učestvuju u izvršenju planiranih aktivnosti.

Istovremeno, sve informacije o realizovanim aktivnostima unose se u baze podataka Centra za uklanjanje mina u BiH. Na osnovu prikupljenih podataka iz Baza podataka i izvještaja dostavljenih od strane osnovnih organizacionih jedinica sačinjavaju se izvještaji i to: Izvještaj o protivminskom djelovanju u skladu sa članom 11. Zakon o deminiranju u BiH ("Službeni glasnik BiH", broj 5/02), Izvještaj o radu Centra za uklanjanje mina u BiH u skladu sa članom 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine ("Službeni glasnik BiH", broj 80/22) i Izvještaj o provođenju Srednjoročnog plana rada Centra za uklanjanje mina u BiH u skladu sa članom 10. Odluke o postupku srednjoročnog planiranja, praćenja i izvještavanja u institucijama BiH ("Službeni glasnik BiH", br. 48/24 i 79/24).

6.3. Osnovni zaključci iz predhodnog Izvještaja o provođenju plana rada

Bosna i Hercegovina spada u red zemalja koje se suočavaju sa velikim minskim problemom. U januaru 2025. godine sumnjiva površina ne mine iznosila je 822,87km². Planom deminiranja za 2024. godinu planirano je smanjenje sumnjive površine od 145,40 km², a izvršenje plana za 2024. godinu je bilo 11% odnosno 15,42km². U 2024. godini nije se dogodila nijedna minska nesreća. U 2024. godini aktivnosti netehničkog/generalnog izviđanja su provedene na površini od 54,93 km². Ukupno je pripremljeno 10 operativnih planova za provođenje protuminskih aktivnosti na MSP, te 4 nova projekata za čišćenje i 12 za tehničko izviđanje. Od ukupnog smanjenja sumnjive površine u 2024. godini od 15,42km² udio tehničkih metoda je smanjenje od 6,75 km². Netehničkim metodama (sistematsko i generalno/netehničko izviđanje prije upotrebe tehničkih metoda) od strane Centra za uklanjanje mina u BiH otkazano je 8,67 km². Od početka provođenja operacija tehničkog izviđanja i čišćenja mina u Bosni i Hercegovini od 1996. godine zaključno sa 2024. godinom vraćena je na sigurno korištenje površina od 3.359 km², a pronađeno i uništeno ukupno 75.806 protivpješadijskih mina, 8.834 protivtenkovskih mina i 71.634 komada ESZR.


Procjenjujemo da preostali broj očekivanih mina u BiH iznosi 170.062 komada.

7) Prilozi: Prilog 1.: Akcioni plan Srednjoročnog plana rada Centra za uklanjanje mina u BiH -Obrazac 1. Pregled mjera i veza sa strateškim okvirom (Tabela 1. i Tabela 2.).

Prilog 2.: Obrazac 2. Pregled programa, programskih aktivnosti, projekata i planiranih akata (Tabela 1., Tabela 2. i Tabela 3.).

Prilog 3.: Lista visokih i kritičnih strateških rizika i mjere za otklanjanje rizika.

Broj: DPA/02-02-4-194/25



AKCIONI PLAN: Srednjoročnog plana rada Centra za uklanjanje mina u BiH-BHMAC

Obrazac 1: PREGLED MJERA I VEZA SA STRATEŠKIM OKVIROM

Tabela 1. Pregled mjera i povezanih elemenata preuzetih iz SPRVM, odnosno relevantnih strateških dokumenata

Strateški cilj: Transparentan, efikasan i odgovoran javni sektor														
Prioritet: Unaprijediti politike za slučaj prirodnih i drugih nesreća														
R.b.	Mjera	Veza sa strateškim dokumentom	Pokazatelj (jedinica mjere)	Početna vrijednost pokazatelja 2025.g.	Ciljane vrijednosti pokazatelja			Programska aktivnost i/ili projekat u okviru koje se planiraju sredstva za provođenje mjere / kandidovani projekat **	Izvor finansiranja za realizaciju mjere ukupno za period od n+1 do n+3 (označiti izvor bez kvantifikacije)					
					2026.g.	2027.g.	2028.g.		Budžet	Kredit	Donacija / grant	Ostali izvori	n/a***	
1.1.1.	Smanjenje minski sumnjivog područja	Strategija protivminskog djelovanja Bosne i Hercegovine, revidirani dokument za period 2025-2027. godina, usvojena od strane Vijeća ministara Bosne i Hercegovine na 76. sjednici održanoj dana 15.04.2025. godine	Vraćena površina u km2	75	75	75	75	Planiranje i projektovanje protivminskog djelovanja 1728310 IBIH-BHMAC -1 IBIH-BH MAC-2 IBIH-BH MAC-3 IBIH -BHMAC-4	x					
			Netehničko izviđanje/obrađena površina u km2	70,50	70,5	70,5	70,5		x					
			Upozoravanje na mine/broj upozorenih osoba	n/a	70 000	70 000	70 000		x					
			Obilježavanje/broj znakova	4500	4500	4500	4500		x					
1.1.2.	Osiguranje sigurnog korištenja vraćene površine		Broj inspekcijskih i stručnih nadzora	4000	4000	4000	4000	Osiguranje kvaliteta protivminskog djelovanja 1728320	x					
			Broj ovlaštenja i akreditacija	1700	1700	1700	1700		x					

Tabela 2: Pregled projekata koji neposredno doprinose realizaciji prioriteta i strateških ciljeva

Pregled projekata koji neposredno doprinose realizaciji prioriteta i strateških ciljeva								
Strateški cilj: Transparentan, efikasan i odgovoran javni sektor								
Prioritet: Unaprijediti politike za slučaj prirodnih i drugih nesreća								
R.b.	Naziv projekta*	Status projekta**	Izvor finansiranja (označiti izvor bez kvantifikacije)				Rok završetka projekta****	
			Budžet	Kredit	Donacija / grant	Ostali izvori		n/a***
1	IBIH- BHMAL -1- Humanitarno deminiranje- vraćanje površine	Kandidovan	x					Do završetka procesa deminiranja
2	IBIH BH MAC-2 - Upozoravanje na mine	Kandidovan	x					Do završetka procesa deminiranja
3	IBIH BH MAC-3 Pomoć žrtvama od mina	Kandidovan	x					Do završetka procesa deminiranja
4	IBIH -BHMAL-4 Istrazivanje, razvoj i zastupanje	Kandidovan	x					Do završetka procesa deminiranja

Tabela 3. Plan pripreme akata

1. Zakoni/podzakonski akti koji se dostavljaju Vijeću ministara BiH					
R.b.	Naziv zakona / podzakonskog akta	Organizaciona jedinica(e) odgovorna(e) za pripremu	Institucija odgovorna za upućivanje prijedloga Vijeću ministara BiH	Usklađenost sa pravnim naslijeđem EU (DA ili NE)	Planirani rok za pripremu
1	Pravilnik o unutrašnjoj organizaciji Centra za uklanjanje mina u BiH	BHMAC	Ministarstvo civilnih poslova BiH	NE	2026. godina

2. Podzakonski akti koje donosi rukovodilac institucije BiH				
R.b.	Naziv podzakonskog akta	Organizaciona jedinica(e) odgovorna(e) za pripremu	Usklađenost sa pravnim naslijeđem EU (DA ili NE)	Planirani rok za donošenje

3. Strateški dokumenti				
R.b.	Naziv strateškog dokumenta	Organizaciona jedinica(e) odgovorna(e) za pripremu	Institucija odgovorna za upućivanje prijedloga Vijeću ministara BiH	Planirani rok za pripremu
1.	Strategija protivminskog djelovanja u BiH	BHMAC	Ministarstvo civilnih poslova BiH	2026. godina

4. Međunarodni ugovori, sporazumi ili konvencije				
R.b.	Naziv međunarodnog ugovora, sporazuma ili konvencije	Organizaciona jedinica(e) odgovorna(e) za pripremu/pokretanje inicijative	Institucija odgovorna za upućivanje prijedloga Vijeću ministara BiH i Predsjedništvu BiH	Planirani rok za pripremu/pokretanje inicijative

Obrazac 2: PREGLED PROGRAMA, PROGRAMSKIH AKTIVNOSTI, PROJEKATA I PLANIRANIH AKATA

Tabela 1. Planirane programske aktivnosti i projekti za koje su osigurana sredstva

NAZIV PROGRAMA:		1728310 - Planiranje i projektovanje protivminskog djelovanja													
CILJ PROGRAMA:		Smanjenje minski sumnjivog područja													
R.b.	Pokazatelj ishoda (jedinica mjere)	Početna vrijednost (n)	Ciljana vrijednost												
			n+1	n+2	n+3										
1	Broj projekata	32	32	32	32										
...															
R.b.	PROGRAMSKA AKTIVNOST/PROJEKAT (šifra projekta u PIMIS-u)	Pokazatelj rezultata (jedinica mjere)	Početna vrijednost (n)	Ciljana vrijednost			Procjena troškova			Izvori finansiranja					
				2026.g.	2027.g.	2028.g.	n+1	n+2	n+3	Ukupno za PA/projekat	Budžet	Kredit	Donacija/grant	Ostali izvori	Ukupno za PA/projekat
1	1.1. Vraćanje površine 1728310	Vraćena površina km2	75	75	75	75	654000	654000	654000	1962000	x				
2	1.2. Netehničko izviđanje 1728311	Netehničko izviđanej/obrađena površina km2	70,5	70,5	70,5	70,5	4275000	4275000	4275000	12825000	x				
3	1.3. Upozoravanje na mine 1728312	Upozoravanje na mine/broj upozorenih osoba	n/a	70000	70000	70000	655000	655000	655000	1965000	x				
4	1.4. Obilježavanje 1728313	Obilježavanje/broj znakova	4500	4500	4500	4500	654000	654000	654000	1962000	x				
...										0					0
UKUPNO ZA PROGRAM :							6238000	6238000	6238000	18714000		0	0	0	0

* Tabelu popuniti za svaki program

NAZIV PROGRAMA:		1728320 Osiguranje kvaliteta protivminskog djelovanja													
CILJ PROGRAMA:		Osiguranje sigurnog korištenja vraćene površine													
R.b.	Pokazatelj ishoda (jedinica mjere)	Početna vrijednost (n)	Ciljana vrijednost												
			n+1	n+2	n+3										
1	Broj	5700	5700	5700	5700										
...															
R.b.	PROGRAMSKA AKTIVNOST/PROJEKAT (šifra projekta u PIMIS-u)	Pokazatelj rezultata (jedinica mjere)	Početna vrijednost (n)	Ciljana vrijednost			Procjena troškova			Izvori finansiranja					
				2026.g.	2027.g.	2028.g.	n+1	n+2	n+3	Ukupno za PA/projekat	Budžet	Kredit	Donacija/grant	Ostali izvori	Ukupno za PA/projekat
1	2.1. Stručni nadzor 1728320	Broj inspekcijskih i stručnih nadzora	4000	4000	4000	4000	3168000	3201000	3222000	9591000	x				
2	2.2. Akreditacija organizacija 1728321	Broj ovlaštenja i akreditacija	1700	1700	1700	1700	449000	457000	459000	1365000	x				
...										0					0
UKUPNO ZA PROGRAM :							3617000	3658000	3681000	10956000		0	0	0	0

* Tabelu popuniti za svaki program

Tabela 2. Planirani projekti za koje nisu osigurana sredstva

PROGRAM	KANDIDOVANI PROJEKAT (šifra projekta u PIMIS-u)	Planirani početak projekta	Ukupna procijenjena vrijednost
1. Planiranje i projektovanje protivminskog djelovanja 1728310	IBIH- BHMAC -1- Humanitarno deminiranje-vraćanje površine	2026	20.255.000
	IBIH BH MAC-2 -Upozoravanje na mine	2026	2.540.000
	IBIH BH MAC-3 Pomoć žrtvama od mina	2026	1.840.000
	IBIH -BHMAC-4 Istrazivanje, razvoj i zastupanje	2026	70.000
UKUPNO ZA PROGRAM 1:			24.705.000
Program n	...		
UKUPNO ZA PROGRAM n:			0
UKUPNO :			24.705.000

Lista visokih i kritičnih strateških rizika i mjera za otklanjanje rizika**Strateški cilj: Transparentan, efikasan i odgovoran javni sektor****Prioritet: Unaprijediti politike za slučaj prirodnih i drugih nesreća**

Naziv rizika	Mjere
Neblagovremena i nepotpuna uspostava funkcionalne baze podataka BHIMSMA Core	Blagovremeno preduzimanje adekvatnih mjera i radnji radi uspostave funkcionalne baze podataka BHIMSMA Core
Neadekvatna obučenosť zaposlenih BHMCA-a za korištenje baze podataka BHIMSMA Core	Blagovremeno organizovanje obuka zaposlenih BHMCA-a za korištenje baze podataka BHIMSMA Core
Vršenje funkcije suprotno interesima institucije, koruptivno djelovanje i/ili ponašanje, te donošenje štetnih odluka po instituciju i djelatnost koja joj zakonom o deminiranju pripada	Pridržavanje zakona i podzakonskih akata u vršenju funkcije

